

大字本

白

幼科大成

上海文成書局印行




斷句大字本

幼科大成

上海文成書局印行



印年五十國民




斷句大字本

幼科指南

上海文成書局印行



印年五十國民



幼科指南序

醫道莫難於嬰兒。古諺云：甯醫十男子，莫醫一婦人。甯醫十婦人，莫醫一小兒。誠以疾痛疴癆，不能自陳也。至金沙王宇春先生之論，又不然。謂小兒未受病，六欲之攻，未經五味之染，之漬，胎腑清虛，投之以藥，易于為功。余謂小兒腸胃柔脆，此之芽，稍加剋伐，即傷真元。故凡著書家，之命名，不曰保嬰，而曰全幼。誠不欲以峻攻沙城，家慎齋先生精通醫學，討其各科，悉皆症治，詳明足為準繩。其中幼科，尤為賞陰陽子、理合色脈于素全，尤稱簡要。予惜未經親奉抄寫，流



布衣歷年沙魯魚亥承日以誦其竅古人製方必視乎
症之虛實脫、字舛訛屬害也僕予友吳子鶴山潘子山
悲憫未久之于是蒐羅善本詳加訂正條分縷析瞭如指
掌顧曰幼科指南捐賞以付之剞劂是舉也偉天地好生
之德善聖賢利濟之心此洵刊中紀元名中古人云方不
能為良相宜當作良醫二公擬此志中大覽是書者
數十年之蒙蔽一旦撥重霧而見青天高揭
症而求子甯患痼疾之不可起耶是豈謂難哉此雅
而正謂易乎誠易中妙劑咸是書也既剞劂心而刊是書
其功豈在禹下哉

乾隆己酉孟冬月歌岐周高煥熾亭氏序

幼科醫學指南凡例

一凡醫家治大人易治小兒難蓋因小兒無言可問無脈可診全在察形觀色聽聲數者而已所以幼科較他科為尤難

一視色為四診之首不知辨色何知休咎故首卷先立面圖註明部位為初學着眼審錢之要務

一是書舊無刻本多屬抄寫其中非臟腑辨論錯亂即證治指示不明甚至字多別白竟有不可解處大抵由於初學手錄不知醫中門路以訛傳訛漸失真傳茲集再三較證悉除其弊

一是書分為四卷首卷歌賦辯論次卷雜症分條三卷心肝肺三經末卷脾腎二經書邊俱用小字表名以便學者查看

一各症後只立方名不載藥品蓋由方中藥品繁多難以贅述故於各卷後設類方一條載明藥味分兩併蒸炙炮炒此是聞一知十之法學者當知類推一丸方後必註九子大小式樣如桐子大麻子大黍米大芡實大豆大或溶化或磨汁正謂嬰兒艱於飲藥當量大小弱強隨時增損故也

一是書立方必本古方如平胃散地黃丸四物湯六君子湯五苓散甘桔湯參蘇飲之類概不好奇作異

一是書立論必出中正中立乃悉病緣治之得以盡法吐詞必由平易平易雅俗並曉臨症度無疑難

一五經有主病有兼症或正治或從治或先治其深後治其淺或急治其標緩治其本再四諄諄絕不見其重複

一各症每分註數症若遇疑難再設或問正以見病之來不一其端而治之方不一其術令人知病有淺深無容疎忽也

一類方中藥品未經古人註釋者不載有傷陰德者不載有其名而無其實者不載有別名異名者不載如洋參官燕天靈人骨阿魏竹黃石小小草之類是也



幼科醫學指南目次

卷一

活幼指南賦

發病根源論

五臟不足論

五臟虛實補瀉論

色分部位圖

診寒熱病法

小兒危症

決死症歌

決死症日數歌

察形色歌

虎口脈紋歌

三關主病辨

看驚是否訣

五臟絕中受剋論

觀眉目訣

辨手指法

聽聲法

觀色法

辨傷寒熱風食症

辨寒熱用藥

小兒服藥法

食物之性

小兒病不宜下

小兒病不宜吐下



發熱論治

看臍風法

臍風歌

斷臍宜慎

胎疾諸症

變蒸論

變蒸兼症用藥

諸症類方

卷二

指南賦分症製方

初生諸疾

大小便諸疾

吐瀉諸疾

疳積諸疾

潮熱諸疾

盜汗症

脾病食積所傷諸疾

風痰諸疾

瘧疾諸症

痘積蟲瘡諸症

因五邪之氣所生病論

痢症捷訣

萬立齋諸症西江月

雜症類方

卷三



心經主病

心經兼病諸病

心所生病

諸汗症

諸熱症

心經類方

肝經主病

肝經兼證諸疾

肝所生病

急驚風兼症

急驚風變症

急驚風類症

慢驚風變症

驚風餘症

肝經類方

肺經主病

肺經兼治諸病

肺所生病

喘嗽諸症

肺經類方

卷四

脾經主病

脾經兼症諸病

脾所生病

脹病諸症

腹痛蟲積諸症

吐瀉諸症



嘔吐諸症

痢疾諸症

瘡病諸症

腎經主病

腎所生病

泄瀉諸症

瘧疾諸症

脾經類方

腎經兼症諸疾

腎經類方



北京中医药大学图书馆藏

幼科醫學指南卷之一

吳恒鶴山

沙城周震慎齋著

瀨水葛三省完素同較

潘寅山曉

指南賦

醫門治例。小兒最難。腸胃脆薄。乳食易傷。筋力柔弱。風寒易襲。重綿厚衣。反助陽以耗陰。放飯流飲。徒敗脾而傷胃。欲觀氣色。先分部位。左頰屬肝。右頰主肺。天庭離陽為心火。地閣坎陰為腎水。鼻乃土星。肺主通氣。觀乎色之所現。知其病之所起。況脾應乎唇。肺通乎鼻。舌乃心苗。目為肝竅。胃流注於雙頤。腎開竅於兩耳。爪則筋餘而脾為之運。髮則血餘而腎為之主。脾司手足。腎應牙齒。凡觀乎外。可知其內。紅色現而發蒸。痰積壅盛。驚悸不寧。青色露而驚搐。額冷脚熱。致發風候。煤之黑兮中惡之因。橘之黃兮脾虛之故。白為疳癆。紫為執極。青遮口角。扁鵲難醫。黑掩太陽。盧醫莫治。鴉聲魚口。古帶黑色。枉費神思。肉脫皮乾。直視目眇。空勞氣力。年壽赤光兮多生膿血。山根青黑兮頻見吐瀉。朱雀貫

於雙瞳兮火入水鄉。青龍繞於四面兮肝來肺位。瀉痢而形帶陽者須防咳嗽而色拖藍者可畏。疼痛方殷常面青而唇撮驚風將發先頰赤而目直火光焰焰外感風寒金氣浮浮中藏痞積乍黃乍白疳熱連綿又赤又青風邪急驚者若精治者須得口吐痰涎或白沫水胃虛寒也急驚風目喜張慢驚風目喜閉吐瀉之症乳食不化為傷食當下之吐瀉昏睡露睛胃虛寒也吐瀉昏睡不露睛胃實熱也吐瀉青白水米食不化胃冷也吐瀉黃赤紫黑者皆熱毒也痢下如鵝鴨血者胃爛也不可治陽虛自汗陰虛盜汗小兒盜汗無用治也額汗至胸陽虛之症胸汗臍下皆屬胃虛眼眶若動風熱相干脇筋刺痛肝火將熾遍身疼痛風寒之症咽喉腫痛痰火之症喉痺疔腮風熱之症實熱吐痰虛極霍亂傷食面黃神昏愛眠食傷脾胃咬牙甚者腎虛不能制心火亦發驚搐也啼而不哭者煩也肺有風也躁也肝經病也笑者脾之痰也笑而又哭痛之甚也唾者腎有虧也臍風忌於一臘火毒畏於週年驚自熱來癰因痰致驚本心生風由肝起搐分左右症有順逆病有虛實且如病則熱起熱則驚生或治熱以熱攻治寒以寒攻熱在表柴葛解肌熱則裏苓連消毒積熱無如集聖虛熱

妙在調元。乳食積傷。痰結壅滯。乳食傷胃。則為吐嘔。乳食傷脾。則為泄瀉。吐瀉既久。則成慢驚。或為肝病。乳食停積。則生濕痰。痰則生火。痰火交作。則成驚悸。或為喉痺。痰火結滯。則成癰疔。或為喘嗽。胎熱胎寒。稟受有病。撮口。胎風。胎元有毒。腹痛。乃感寒之侵。鵝口。是胃中濕熱。氣色改移。形容變易。眼生淚眵。肝風眯目。口流痰涎。脾冷滯積。氣乏。今顙門成坑。血衰。今頭髮作穗。面目虛浮。定腹脹而氣喘。眉毛頻蹙。則肚痛。以多啼。蛔出。今脾胃將敗。蠱瘡。今肛臟先虧。丹毒火乘於外。蘊熱火積於中。中惡者。外邪來也。睡驚者。內火動也。積有常處。有形之血也。聚無定處。無形之氣也。手如數物。肝風將發。面若塗硃。心火已熾。坐臥愛冷。煩熱之故。伸縮就暖。風寒之畏。肚大脚細。面色黃。今脾欲困而成疳。目睜口張。症朦朧。今勢已危。而必儻。弄舌脾熱。解顙。腎衰。重舌木舌。並熱積於心脾。哽氣喘氣。俱火焰於脾肺。齟宣。真露。必是牙疳。哺露。丁奚。皆緣食積。外感發熱。身熱。鼻塞聲重。是也。內傷發熱。肚熱。口苦舌乾。是也。唇乾作渴。腸鳴自利。山根紅。今是夜啼。分為四症。乃邪熱來於心經。變蒸周於一歲。胎毒將散也。故不藥無妨。心熱欲言而不能言。脾虛無時而不好睡。病後失音者。腎弱。咳嗽失音者。

肺痿。肚痛而清水流出者。蟲災。腹痛而大便酸臭者。積垢。口潤赤而脾虛。舌長出而火焰。龜胸。令肺火脹於胸膈。龜背。令腎風入於骨髓。不能吮乳者。熱在心脾。常欲俯臥者。熱蒸腸胃。喜觀燈火。煩熱在心。愛吃泥土。疳熱在脾。盜汗頻頻。臟腑虛弱。搖頭揉目。肝熱生風。傷寒驚搐。風盛發狂。喉中如鋸。客風入肺。脫肛瀉血。冷熱積傷。目怕明。令心肝受病。耳若聾。令積熱在腎。目赤兼青。將欲發搐。面青唇白。俱是風寒。面紅唇赤。實熱所傷。上熱下冷。有痰在脾。一斷傷食。瀉痢不常。氣滯腸滑。目直視。令肝經有熱。目連眵。令肝經有風。心若痛。令不吐水。乃寒侵也。鼻乾黑燥。火盛金衰。肚大青筋。木強土潰。丹瘤瘡疥。乃胎毒之流連。吐瀉瘧痢。皆食積之留滯。面浮虛腫。積氣以攻。霍亂吐逆。胃積食傷。清涕常出。肺經受寒。小便赤澀。膀胱熱聚。頰赤面黃。風傷腑熱。行遲語濇。胎積氣傷。項硬肝風。氣傷木舌。胃熱生斑。氣傷冷厥。長吁咬牙。風盛氣生。眵淚羞明。三焦積熱。或悲或恐。風邪入腎。張口出熱。皆是風邪。目赤是積熱。肝病。疝氣。因胎中積熱。心驚熱熾。肝生風熱。熱則生風。故多發搐。痰盛發哮。積傷風熱。乳癖脾痞。因物所傷。似腫丹瘡。腑之受熱。非時咬乳。因喜受驚。氣血虛却為寒所侵。則必唇青口